

Reykjavíkummaráþon
Svava Oddný Ásgeirsdóttir
Engjavegi 6
104 Reykjavík



UMHVERFISSTOFNUN

Reykjavík 17. maí 2016
UST201603-094/M.I.K.
09.08.00

Efni: Laugavegshlaupið 2016

Vísað er til erindis Reykjavíkummaráþons dags. 10. mars 2016 þar sem óskað er eftir leyfi Umhverfisstofnunar til að halda Laugavegshlaup, hlaupaviðburð kenndan við Laugaveg eða gönguleiðina á milli Landmannalauga innan Friðlands að Fjallabaki og Húsadals á Þórsmörk, laugardaginn 16. júlí nk.

Lýsing framkvæmdar:

Skv. erindinu hefur Reykjavíkummaráþon undanfarið 19 ár gengist fyrir áður nefndum hlaupaviðburði. Fjöldi þátttakenda sl. fjögur ár hefur verið um 300 - 400 manns og starfsfólk um 50 talsins. Sérstök áhersla verður lögð á að keppendur gangi vel um og hendi ekki rusli nema þar sem það á heima.

Áhrifamat:

Friðland að Fjallabaki er friðlýst sbr. auglýsingu í Stjórnartíðindum B nr. 354/1979. Umferð gangandi fólks er heimil um svæðið, enda fylgi það merktum stígum í Landmannalaugum og annars staðar þar sem við á og gengið sé snyrtilega um svæðið.

Umhverfisstofnun telur litlar líkur á framkvæmd hlaupsins muni valda spjöllum á friðlýstum náttúruminum, og rask verður minniháttar ef farið verður að þeim skilyrðum sem sett eru í leyfi þessu. Telur stofnunin því litlar líkur á að hlaupið muni hafa áhrif á verndargildi Friðlands að Fjallabaki. Umhverfisstofnunin heimilar því fyrir sitt leyti, sbr. 5. tl. reglna um friðlandið í auglýsingu nr. 354/1979, að Laugavegshlaupið verði haldið árið 2016 með eftirfarandi skilyrðum:

Skilyrði:

1. Stjórnendur hlaupsins skili til Umhverfisstofnunar, a.m.k. viku áður en hlaup hefst, áætlun um það hvernig staðið verði að framkvæmd hlaupsins og frágangi að því loknu.
2. Stjórnendur hlaupsins gefi sig fram við landverði svæðisins og upplýsi þá um upphaf hlaupsins og lok þess. Sérfræðingur friðlandsins er Jón Björnsson og símanúmer hans er 822-4056.
3. Stjórnendur tryggi að við þjónustu vegna hlaupsins verði ekki ekið utan vega; að eingöngu verði ekið á merktum vegum.
4. Stjórnendur tryggi að þátttakendur og starfsmenn hlaupsins leggi ekki bílum sínum utan bílastæða. Í lýsingu á framkvæmd hlaupsins, sjá lið 1, skal koma fram hvernig þátttakendur og starfsmenn hlaupsins komast á staðinn.

Umhverfisstofnun telur brýnt að áfram verði bæði þátttakendum og starfsmönnum ekið í Landmannalaugar í rútum og sóttir í rútur í Þórsmörk til að draga úr álagi á svæðunum.

5. Þátttakendur og starfsmenn hlaupsins haldi sig eins og kostur er á gönguleið alla leið frá upphafsstöð að endastöð hlaupsins. Gönguleiðin Laugavegur kann að vera strjált stikuð að hluta. Því er afar brýnt að aðstandendur hlaupsins sjái til þess að bæta við merkingum á þeim svæðum þar sem gönguleiðin er ógreinileg til að fyrirbyggja að fólk hlaupi til hliðar við gönguleið með tilheyrandi raski og jafnvel myndun hliðarstíga.

Brýnast er að passa vel upp á framangreint og merkja leiðina vel á viðkvæmum svæðum á borð við mosa- eða lyngmóa og votlendi, á hverasvæðinu suður af Hrafninnuskeri og niður Jökultungur. Eins er mikilvægt að staðkunnugir starfsmenn hlaupsins beini þátttakendum inn á gönguleiðina þar sem þörf krefur.

6. Áningarstaðir á leiðinni, drykkjarstöðvar, verði áfram á malarplani við skála þar sem ekki er hætt á að svæði með viðkvæmum gróðri raskist.
7. Aðstandendur hlaupsins tryggi að ekki verði skilið eftir neitt rusl á víðavangi, hvorki á/við gönguleiðir, á áningarstöðum, né á upphafs- og endastöð. Einnig er verði tryggt að merkingar, flögg, sem notuð verða til að merkja hlaupaleiðina verði fjarlægð strax að hlaupi loknu.


Leyfisgjald:


Umhverfisstofnun innheimtir gjald vegna vinnslu og afgreiðslu umsóknar um leyfi til framkvæmda og vegna starfsemi þar sem hætt er á að spillt verði friðlýstu náttúruminum sbr. auglýsingar og reglugerðir um friðlýst svæði sbr. 2. mgr 40. gr. í lögum nr. 60/2013 um náttúruvernd. Gjaldið er 39.400 krónur

Eftirlit:

Umhverfisstofnun mun innheimta kostnað fyrir eftirlit í tengslum við undirbúning hlaupsins, á meðan það stendur yfir og frágang. Áætlað stofnunin að í það fari 2 klst. Innheimt verður samkvæmt gjaldskrá fyrir verkefni og þjónustu Umhverfisstofnunar, 13.200 kr/klst.

Virðingarfyllst


Sigrún Ágústsdóttir
Sviðsstjóri


Jón Björnsson

Sérfræðingur friðlandsins að Fjallabaki